

QVÆSTIO MEDICA

QVODLIBETARIIS DISPUTATIONIBVS

MANE DISCVTIENDA

IN SCHOLIS MEDICORVM

die Iouis 27. Nouembris.

M. IACOBO DE BOVRGES

DOCTORE MEDICO, MODERATORE.

Sunt ne fœminæ breuioris staturæ fœcundiores ?

I.

VIVENS quodlibet naturâ duce (veluti suæ legis oblitâ) votis omnibus æternitatem appetit, quam cum nec alimentis, nec medicamentis, viuentium quisquam assequi possit (hunc enim quem nos agimus diem cum morte diuidimus) generationis beneficio indipiscitur; quâ simile in suum locum reponens, in id & languidam & inclinantem suam vitam confert, & quasi repuerascens, quodammodo perpetuus fit & æternus. Generationis autem hujus non vna eademque est ratio: plantæ jugiter alimento inhærescentes, & altissimis defixæ radicibus, cum ad mouendum forent ineptæ, confusas ac perpetuò mixtas habuerunt maris & fœminæ vires, vt ex sese ipsis nullo alterius congressu progignerent. Animalium verò quædam sine coitu, affricatione solâ; alia per fœminæ pudendi receptionem; nonnulla sine masculo intra se concipiunt; sunt, quæ solâ putredine generantur, nunquam partu; quædam modò ex putri materiâ, modò ex semine; sed mutilus est horum omnium & imperfectus procreandi modus. Nobilior est perfectorum animalium generatio; nata quippe ad præstantiora cognitionis munera, nec alimento penitus affixa, omni impetu in gene-

A

rationem ruunt. In his maris & fœminæ sexum natura discrevit, καὶ μὴ τὸν λόγον, τῷ δυνάσθαι ἕτερον ἔχειν; καὶ δὲ πῶς αἰσθῆσιν μορίους πρὸς; & si quando generare debent, coeant commisceanturque necesse est, vt ex ambobus quasi vnum fiat animal.

II.

GR A V I V S à mulieribus læsos putauerim, qui fœminam naturæ παρέχουσιν, ζῶν πεπηρομένην primi vocauere. Æqualis est vtriusque sexus necessitas; nec marem, etsi ἔχοντα πῶς τῆς κινήσεως, καὶ τῆς γενέσεως ἀρχὴν, per se quidquam efficere posse putandum. Ad generationem semen fœcundum fœminæ conferunt, & quæ fœtus vberrimos procreant, effundunt plurimum, crassum, viscidum, album, spumosum, temperatum, & spirituum benignitate perfusum: quod virili probè commixtum, vterus nec angustia, nec obstructione, nec contorsione, nec oris obliquitate impeditur, nec insigni intemperie affectus (quod suffitu non cognoueris) exsuscitat, & ad agendum impellit. Tum vis διαπλαστικῇ materiam variè distrahendo, versando, figurandoque, intra septem dierum interuallum, omnium particularum simul & semel prima ducit stamina; πάντα ὁμοίως ἀρχή, καὶ πάντα τελευτή; omnèque conformationis opus diebus ad summum quadraginta duobus absoluit. Quo quidem tempore inania partium spermaticarum stamina, sanguine menstruo, copiâ & qualitate laudabili, καὶ τῆς τῆς ὀμφαλῆς προσφύσεως conuecto, expleri consueuerunt; qui toto gestationis tempore, per eandem viam ad fœtum deducitur, ad cuius alimoniam imprimis erat necessarius; prima enim, quæ vitam dedit hora, carpfit.

III.

VT vitæ & mortis fatum à principiis nostræ generationis, ita ab ipsorum vbertate, vel paupertate corporum proceritas breuiorque statura pender. Nec solus calor natius per se incrementum moliri potest, nisi copiosa superpetat materia, quæ par sit corpori in omnem dimensionem extendendo. Quare toto cælo aberrant, qui de temperamento audent conjecturam sumere ex corpore vel maiore vel minore: nihil obstat quominus, quod molem habet

ampliores, vel quod angustioribus conclusum est limitibus, optimam omnium qualitatum commodationem sortitum sit. Corpus quod neque densum sit, aut rarum; neque durum, aut molle; neque glabrum, aut pilis luxurians; quantumque magnitudinis extiterit, temperatissimum est censendum. Malèque admodum fœminas minores, aut humoris inopiâ, aut immoderatione caloris, steriles quispiam existimaverit. Vt æquabilem primarum qualitatum temperiem sortiri possunt; sic optimam partium omnium commodationem ipsas obtinere nihil prohibet: mutuo quippe gaudent consortio aptus partium commensus, temperiesque laudabilis.

I V.

IDEM alimentum materia est nutritionis, accretionis, generationis: ἢ μὲν γὰρ ποσὶν π τὸ ἐμψυχὸν αὐξήτικοι. ἢ δὲ τὸ δὲ π, καὶ ἑστία, τροφή quatenus verò superfluit, sit materia generationis. Vnde φυντὶς ἐν ζῳῳ minùs feracia; obesi ut plurimum sterilitate damnantur; primisque & ultimis vitæ temporibus infœcunda sunt animalia: absolutâ siquidem partium omnium nutritione, nihil superest reliquiarum. Molis majoris animalia minùs superflui congerunt, omni alimento in nutritionem, & augmentum partium absumpto; minora, plurimum: ex quo utrumque copiosum generationis habetur primordium, semen & sanguis menstruus, excrementa alimenti ultimi, quod in membra distribuitur. Satiatis quippe partibus singulis, ruber & purus sanguis in trunco magnæ arteriæ redundans, vitrahendi eximiâ, quâ instructi sunt testes, pellicitur; vbi rubro colore in candidum mutato, seminis caractere insignitur. Et si mora desit tempestiva, huic adimplendo muneri, ut in libidinosissimis & petulantissimis, semen cruentum effunditur, nulla alterationis referens vestigia.

V.

QVÆ animalia testibus carent, ut pisces, & serpentes, solòsque meatus rectos obtinent, sunt ea omnia ταχύτερα πρὸς τὴν ἐργασίαν τῆς συνδυασμῆς. Simili ratione quâ ἐν θηρίοις ζῶα, quibus nullis intestinorum gyris, præceps alimentorum cursus inhibetur, gulæ & insaturabili

abdomini addicta sunt. Quæ vero testes habent, sed intus abditos, ut auium genus omne, continuo veluti feminis orgasmo agitata, feruntur tota ad libidinem. At quæ castiora esse conuenit, purioremque vitæ modum tenere, ut testes habuerunt foris prominulos, sic ἑλικας ἔχουσιν οἱ πόροι: ne libido vehemens crebraque incitetur. Non hæc fortuitò sanè aut temerè facta sunt, fœcundioribus natura stimulos addidit maiores, ut vberissimo fœtu terram mariâque frequentarent. Animalium enim alia sunt πολυτόξα, alia ὀλιγοτόξα, alia μονοτόξα. Ut plurimum vnum edunt fœtum τὰ μόνουχα: paucos gerunt διχῆλα: vberimos πολυσχηδῆ: quod ut plurimum cum ijs differentiis, corporum stature consentiant: partus quippe copiosioris aut parcioris causa, ad magnitudinem vel paruitatem referenda venit: quod enim majore sunt corpore animalia, hæc minùs fœcunda sunt; Singulos gignunt elephanti, cameli, equi; acanthis, auis minima, duodenos. Pisces tot ova, ut vulva vnum esse ovum, in parvis quidem pisciculis esse videatur. Sunt enim hi fœcundissimi, ut in cæteris quoque tum plantis, tum animalibus euenit. ἢ γὰρ τὸ μέγας ἀύξεισι βέπεται ὅπι τὸ σπέρμα τέτοις.

Ergo feminae breuioris stature fœcundiores.

DOMINI DOCTORES DISPUTAVRI

M. Dionysius Puyton.

M. Edmondus Charrier.

M. Iacobus Renauf.

M. Ioannes Baptista de Renelou.

M. Raphaël Maurin.

M. Nicolas Langlois.

M. Fabianus Perreau.

M. Ludouicus Gallois.

M. Gilbertus Puyton.

Proponebat Lutetiæ MATHÆVS THVILLIER
Ambianus, A. R. S. H. M. DC. LXIV.

PARISIIS,

Apud F. MUGUET, Regis ac Illustrissimi Archiepiscopi
Parisiensis Typographum, viâ Citharæ, ad
insigne Adorationis trium Regum.